

trario potius ubique Scriptura DEum à mundo, ut causam efficientem ab effectu, distingvit separatque, DEum Creatorem, cœlum autem & terram creata dicens. Appositi LACTANTIUS Institut. Divin. Lib. VII. s. de Divino Premio Cap. 3. Quomodo, scribit, potest idem esse quod tractat, & quod tractatur. Si quis dicat, idem esse figurum quod lutum, aut lutum idem esse quod figurum: nonne aperte insanire videtur? At isti (Stoicos indigitat) uno naturamine duas res diversissimas comprehendunt, DEum & mundum, artificem & opus. Qui & Lib. II. s. de Orig. Error. cap. 6. & 9. contra hunc errorem, proqve creatione ex nihilo, multa egregia habet. Et quid? Nonne doctrina de DEo causâ mundi internâ, deque creaturarum ex essentiâ divinâ emanatione, pleraque essentialia attributa DEi negaret aut everteret? Quomodo enim, salva istâ, spiritualitas, simplicitas & immensurabilitas, immutabilitas, imò perfectio & infinitas DEi consistere posset? Etenim si ex essentiâ divinâ creaturæ emanarunt, fieri non aliter potuit, qvam ut singulis istis, id quod alias de homine Fanatici disertè affirmant, particula quædam essentiæ divinæ insit. Quantum autem exinde non sequeretur absurdum! Nam essentia divina hoc pacto partibilis ac mensurabilis, conseqventer substantia extensa esset, quemadmodum SPINOZA Part. II. Eth. Prop. 2. Extensio, inquit, attributum DEi est, sive DEus est res extensa. At omne extensum partes habet extra partes, è quibus compositum est. Imò, qvia totum, quod partes in se continet, qvà totum partibus suis singulis perfectius est, qvælibet creatura DEo perfectior esset. Tacemus reliqua audituri ALLGUSTINUM Lib. IV. de Civ. DEi Cap. 12. contra opinionem eorum, qui DEum animam mundi esse putaverunt, disputantem, scribendo: *Quod & illud non debet mouere acutos homines, vel qualescunque homines.* Non enim ad hoc ingenii opus est excellentia, ut deposito studio contentionis attendant, si mundi animus DEus est, eique animo mundus ut corpus est, ut sit unum animal constans ex animo & corpore: atque iste DEus est sinus quidam naturæ, in se ipso continens omnia: ut ex ipsis anima, qua vivificatur tota ista moles vita atque anima